



## UGOVOR o nabavci usluga stručnog nadzora na izgradnji CNG punionice

KJKP Sarajevogas d.o.o., Sarajevo, Ul.Trg Fadile Odžaković Žute 4, 71000 Sarajevo, BiH  
Koga zastupa: Direktor Preduzeća Mr.sc. Nihada Glamoč, dipl.ing.maš.,(u daljem tekstu: **Naručilac**)

«IPSA INSTITUT d.o.o.», Ul. Put Života b.b., 71000 Sarajevo, BiH  
Koga zastupa: Direktor Enko Hubanić, dipl.ing.građ.,(u daljem tekstu: **Izvršilac**)

**Član 1.**  
Predmet ovog Ugovora je usluga stručnog nadzora na izgradnji CNG punionice po provedenom konkurentskom zahtjevu za dostavljanje ponuda broj: KN-05-10/19. Prodavac je dostavio ponudu prema specifikaciji Kupca broj SP-OJ04-KN-05-10/19-01, koja je priložena ovom ugovoru i predstavlja njegov sastavni dio.

**Član 2.**  
Ugovorna vrijednost usluga iz člana 1. ovog ugovora bez PDV-a iznosi: **29.700,00 KM (slovima: dvadesetdevethiljadasedamstotina) KM**, a jedinične cijene su specificirane u prilogu ovog Ugovora i čine njegov sastavni dio.

### **Usluga stručnog nadzora uključuje:**

#### **Član 3.**

- Stručni nadzor nad izvođenjem građevinsko-zanatskih radova;
- Stručni nadzor nad izvođenjem radova na izgradnji konstrukcije objekta;
- Stručni nadzor nad izvođenjem radova ViK-a (Vodovod i kanalizacija);
- Stručni nadzor nad izvođenjem saobraćajnih radova;
- Stručni nadzor nad izvođenjem mašinskih radova i
- Stručni nadzor nad izvođenjem elektroinstalaterskih radova (jaka i slaba struja, vatrodojava);

#### **Član 4.**

Izvršilac usluge će u izvršenju ugovora angažovati stručnu ekipu, čiji sastav sačinjavaju svi ključni stručnjaci navedeni u Ponudi iz člana 1. ovog Ugovora, i to:

- Ključni stručnjak 1: Vođa tima - Glavni nadzorni inženjer i nadzorni inženjer nad izvođenjem građevinsko-zanatskih radova;
- Ključni stručnjak 2: Nadzorni inženjer nad izvođenjem radova na izgradnji konstrukcije objekta;
- Ključni stručnjak 3: Nadzorni inženjer nad izvođenjem radova ViK-a (Vodovod i kanalizacija);
- Ključni stručnjak 4: Nadzorni inženjer nad izvođenjem saobraćajnih radova;
- Ključni stručnjak 5: Nadzorni inženjer nad izvođenjem mašinskih radova.
- Ključni stručnjak 6: Nadzorni inženjer nad izvođenjem elektroinstalaterskih radova- (jaka/slaba struja, vatrodojava).

Sva lica koja izvršavaju predmet ovog Ugovora, a u ime Izvršioca usluge, moraju biti osigurana, o trošku Izvršioca usluge, za sve povrede na radu i nesreće na poslu.

Nadzorni inženjeri ne mogu biti uposlenici Izvođača radova koji izvodi radove nad kojim treba provoditi nadzor.

Naručilac neće biti odgovoran za bilo koje odštete ili kompenzacije koje treba isplatiti za bilo kakve povrede osiguranih lica iz prethodnog stava.

#### **Član 5.**

Vođa tima - Glavni nadzorni inženjer odgovoran je za cjelovitost i međusobnu usklađenost stručnog nadzora građenja i dužan je o tome sastaviti završni izvještaj.  
Glavni nadzorni inženjer je istovremeno i nadzorni inženjer za izvođenje građevinsko-zanatskih radova.



#### Član 6.

Stručni nadzor se vrši u skladu sa Zakonom o prostornom uređenju ("Službene novine Kantona Sarajevo" broj 7 od 10.03.2005 godine), u skladu sa uredbom o uređenju gradilišta, obaveznoj dokumentaciji na gradilištu i učesnicima u građenju ("Službene novine Federacije BiH", br. 48/09) kao i svim ostalim važećim propisima.

#### Poslovi stručnog nadzora obuhvataju:

- provjeru usklađenosti iskolčenja građevine s elaboratom o iskolčenju građevine i projektom;
- stručni nadzor nad izvođenjem radova kojim će se osigurati da se radovi izvode u skladu sa projektnom dokumentacijom, važećim tehničkim propisima, obaveznim standardima i normativima, Ugovorom o građenju zaključenim sa Izvođačem, kao i uslovima datim u urbanističkoj saglasnosti i odobrenju za građenje, pridržavajući se posebnih uslova, saglasnosti i obaveza datih od strane odgovarajućih nadležnih organa i službi u postupku izdavanja urbanističke saglasnosti i odobrenja za građenje (kontrola visinskih kota i dužina, tlocrtnih gabarita, radijusa, upotrebe materijala prema projektu, provođenja koncepcije zgrade prema projektu, tumačenje nejasnoća iz projekta, rješavanje pojedinih detalja i sl.);
- provođenje nadzora ažurno u skladu s dinamikom izvođenja radova (vizuelni pregled, kontrola i pregled dokumentacije kojom izvođač dokazuje kvalitet u pogledu rezultata ispitivanja i učestalosti, pregled rada terenskih laboratorija izvođača, prisustvo kod uzimanja uzoraka za ispitivanje);
- podnošenje Investitoru redovnih sedmičnih izvještaja o stanju radova u vezi s rokovima i kvalitetom izvedenih radova i bez odgode upoznavanje Investitora sa svim nedostacima, odnosno nepravilnostima koje uoči u Izvedbenom projektu, ostaloj tehničkoj dokumentaciji i tokom izvođenja radova, s prijedlogom mjera za korekcije. Izvještaje dostaviti u formi koju je odobrio Investitor na kraju radne sedmice. Vršiti izdavanje odgovarajućih naloga o izvođenju određenih radova izvođaču, u slučaju potrebe otklanjanja nedostataka, a radi sprečavanja težih posljedica koje bi nastupile neizvođenjem tih radova;
- saradnja sa projektantom po pitanju projektnih rješenja ili pojašnjenja potrebnih za realizaciju projekta;
- davanje svih potrebnih pojašnjenja Izvođaču radova, na njegov zahtjev;
- učestvovanje u izradi eventualnih izmjena u projektnoj dokumentaciji u saradnji s ostalim učesnicima u građenju, u svrhu unapređenja i uspješne realizacije projekta;
- svakodnevna kontrola unošenja podataka i potpisivanje građevinskog dnevnika, ovjeravanje situacija, sređivanje dokumentacije na gradilištu za tehnički pregled, sudjelovanje u postupku primopredaje i konačnog obračuna izradu propisanog izvještaja za tehnički pregled i sudjelovanje u postupku tehničkog pregleda;
- kontrolu pridržavanja svih mjera zaštite od požara i eksplozije i zaštite na radu svih učesnika u građenju;
- sve ostale dužnosti koje, u skladu sa važećim zakonskim propisima, spadaju u nadležnost Nadzornog organa (Stručni nadzor), a neophodne su u cilju kontinuiranog izvođenja radova.

#### Član 7.

Nadzor nad izgradnjom se obavlja uz obavezno stalno i svakodnevno prisustvo nadzornog organa u trajanju radnog vremena Izvođača radova na gradilištu za cijeli period gradnje **koji iznosi 45 (četerdesetpet) radnih dana**. U cijeni je uključeno i eventualno prolongiranje roka izgradnje od strane Izvođača radova. Nadzor za sve faze izgradnje naručiocu dostavlja sedmične izvještaje o toku izgradnje objekta sa eventualnim primjedbama, svakodnevno ovjerava dnevnik izgradnje, ovjerava vrši kontrolu mjesečnih situacija od strane Izvođača, kao i ostalih dokumenata u skladu sa zakonskim propisima za vršenje nadzora. Nadzor ne može vršiti nikakve izmjene u toku izvođenja bez pismene saglasnosti Investitora.

#### Član 8.

#### Naručilac je obavezan da:

- preda Izvršiocu usluge tri primjerka kompletne investiciono-tehničke dokumentacije za izvođenje radova, Ugovora o izvođenju građevinskih radova na izgradnji punionice na prirodni gas u PTO Butile, kao i drugih dokumenata bitnih za pravilno izvršenje ovog Ugovora;
- blagovremeno obavijesti Izvršioca usluge o svim eventualnim promjenama investiciono-tehničke dokumentacije na osnovu koje se izvode radovi;
- imenuje ovlašteno lice za predstavljanje Naručioca usluge na realizaciji projekta,



- ovjerava račune Izvršioca usluge,
- pruža svu neophodnu pomoć Izvršiocu usluge u cilju uspješne realizacije usluge;
- pisanim putem obavijesti Izvršioca usluge o datumu uvođenja Izvođača radova u posao;
- izvrši plaćanje na način utvrđen ovim Ugovorom.

#### Član 9.

Sve službene obavijesti i druge akte koje ugovorne strane upućuju jedna drugoj po osnovu realizacije ovog Ugovora, mogu se vršiti isključivo u pisanom obliku na jednom od službenih jezika u Bosni i Hercegovini, i to na jedan od navedenih načina:

- poštom preporučeno;
- e-mailom na adrese kontakt osoba;
- putem faksa.

Dostavom obavijesti i drugih akata na navedeni način drugoj ugovornoj strani, smatra se da je dostava uredno izvršena danom kada je akt poslan.

**Kontakt osoba ispred Naručioca je: Senad Handžić.**

e-mail adresa: [shandzic@sarajevogas.ba](mailto:shandzic@sarajevogas.ba),

tel. 061-224-319,

faks br.: 033-255-290.

**Kontakt osoba ispred Izvršioca usluge je: Enko Hubanić,**

e-mail adresa: [info@ipsa-institut.com](mailto:info@ipsa-institut.com),

Tel. 033-276-320,

Fax. 033-276-355.

#### Član 10.

Prilozi ovog Ugovora koji čine njegov sastavni dio su:

- Investiciono-tehnička dokumentacija,
- Ponuda izvršioca sa svim prilogima i
- Ugovor o o izvođenju građevinskih radova na izgradnji punionice na prirodni gas u PTO Butile.

#### Član 11.

Izvršilac će obračun izvršenih usluga vršiti po jediničnim cijenama iz priloga ovom Ugovoru, prema broju stvarno utrošenih sati na uslugama nadzora, a koje predhodno ovjerava Senad Handžić - ovlaštenu uposlenik Naručioca. Naručilac će plaćanje izvršenih usluga izvršiti nakon **30 dana** po prijemu uredno ispostavljene poreski ispravne fakture na transakcijski račun Izvršioca navaden na fakturi.

#### Član 12.

Naručilac i Izvršilac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

#### Član 13.

Izvršilac usluga nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja kupca.

#### Član 14.

Ukoliko Naručilac u ugovornom roku iz člana 11. ovog ugovora ne plati cijenu za izvršene usluge obavezan je Izvršiocu isplatiti i zateznu kamatu u skladu sa zakonom i drugim propisima koji uređuju ovaj institut.

#### Član 15.

Ovaj ugovor se zaključuje na period trajanja do ispunjenja njegove svrhe, ali ne duže od 1 (jedne) godine, računajući od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.



**Član 16.**

Ugovorne strane su saglasne da Izvršilac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

**Član 17.**

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.


**Član 18.**

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjerka, od kojih svaka ugovorena strana zadržava po 2 (dva) primjerka.

**Član 19.**

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.


**Za Izvršioca:**


  
Direktor, Enko Hubanić, dipl.ing.građ.

Broj ugovora: 1209/19

09-04-2019

**Za Naručioca:**

  
Direktor Preduzeća, Mr.sc. Nihada Glamoč, dipl.ing.maš.

  
Izvršni direktor, Mr. Mehmed Mehović

Broj ugovora: 92/19

08-04-2019